

顏魯公文集

一

顏魯公文集
卷之五
五

顏魯公文集序

文章節義天地間元氣所闡而國
家氣運興衰端必由之然是二者造
物恒若有所靳不兼以畀人夫節義
苟歎文雖工君子不取焉唐之文韓
柳最著論者終醇韓而疵柳非其
文之弗若也節義弗若也當祿山亂
作豺豕哮噬前無堅城顏魯公首倡

大順以烏合之衆嬰賊鋒列郡應之
如響使賊逡巡不敢長驅而西明皇
得從容討蜀靈武受俘郭李卒
成收復之勳要之義氣所激公之
功居多比其正色立朝公言直道屢
升屢復百折不屈以戕其軀公之節
義炳震盪若一隻字片語固當見
重於世而况其高文大冊典則沈厚真

足以昭示上極乎公之文初輯于宋
人沈氏剡原父序之留元剛氏又續為
搜輯刻之以傳今板不存學者罕得
而見散見於金石間者千百之一二
耳近錫山安國民泰得傳錄舊本
志重梓之請予序夫公之抑義不
待文而顯然讀其文可槩知其心公
之文非有意於傳而重其人則其文

章不容不與大節並傳也抑予於
公之存沒而有以得夫唐室興亡之
機方公之舉義明皇聞之曰朕不
識顏真卿何如人乃能若是至肅
代德宗時則既知之矣是時國步
維艱不若天寶之急授之將可折
衝任之相能定國使究其用方岳
不竊命乘輿不播遷獨奈何何

數君者知而不孤用之弗久且專
蓋揚炎之載盧杞輩媚嫉于上
而一二羣小又搆毀于下以成其
私公陸抱孤忠躑躅不展卒死
李希烈之手盧杞為之也而唐
之亡亦胚胎於是矣公乎何損於
於戲是固有死人力之所及者矣予
何人斯敢序公集而請者之意有

足嘉嘉者不可以默列是集未經較
訂訛譌至不可讀誠得知言者鑿
正而銓次之則詞林鉅工別自有序
述之者矣侯予言

嘉嘉靖二年 癸未夏四月朔旦


光祿大夫柱國少傅兼

太子太傅吏部尚書

武英殿大學士知

制浩並

徑延官致仕石淙楊一清序



顏魯公文集序

劉敞

魯公極忠不避難臨難不違義是其
塵垢糠粃猶祇飾而誦習之將以勸
事君况其所自造之文乎然魯公沒
且三百年未有祖述其書者其在舊
史施之行事蓋僅有存焉而雜出傳
記流於簡牘則百而一二銘載功業

藏於山川則十而一二非好學不倦
周流天下則不能徧知而盡見彼簡
牘者有盡而山川者有壞不幸而不
傳則又至於千萬而一二未可知也
吳興沈侯哀魯公之忠而又佳其文
懼久而有不傳與雖傳而不廣也於
是採掇遺逸輯而編之得詩賦銘記
凡若干篇爲十五卷學者可觀焉蓋

君子多見則守之以約沈侯好學喜聚書聚書至三萬卷若是多矣然猶常汲汲如不足者至其集魯公之文使必傳於天下必信於後世可謂守之以約而尚友者乎予是以序其意

顏魯公文集

卷之一

奏議

請復七聖號謚狀

論元皇帝祧遷狀

廟享議

論百官論事疏

朝會有故去樂議

卷之二

表上

并批荅

皇帝即位賀上皇表

讓憲部尚書表

謝兼御史大夫表

馮翊太守謝上表

蒲州刺史謝上表

謝浙西節度使表

謝戶部侍郎表

謝吏部侍郎表

謝荆南節度使表

卷之三

表下

并批卷

謝贈官表

乞御書天下放生池碑額表

卷之四

碑

放生池碑銘

并序

妙善寺碑

宋開府碑

李臨淮碑

卷之五

碑

郭祕丞碑銘

并序

臧尚書碑銘

臧氏糾宗碑銘

并序

元次山表墓碑銘

并序

卷之六

碑

康金吾碑

李司空碑

鮮于少保碑

卷之七

碑

郭公廟碑銘

康使君碑銘

歐陽領軍碑銘

卷之八

碑

贈梁州都督徐府君碑

東川節度使杜公碑

卷之九

碑

魏夫人仙壇碑

華姑仙壇碑

玄真子碑

玄靖李先生碑

卷之十

墓碣墓誌

麗正殿學士殷君碣

東川節度使杜公誌

祭文

祭姪季明

卷之十一

書帖

與李太保帖

與盧倉曹帖

與蔡明遠帖

與夫人帖

寒食帖

蔡州帖

與郭僕射書

讚

李侍御寫真讚

題名

華嶽廟題名

東林寺題名

西林寺題名

靖居寺題名

題湖州碑

卷之十二

序

孫逖文集序

懷素上人草書歌序

送劉太沖序

送辛子序

卷之十三

記

東方先生畫贊碑陰記

鮮于氏離堆記

撫州寶應寺律藏院戒壇記

撫州南城縣麻姑山仙壇記

柳惲西亭記

沈氏述祖德記

乞御書題額恩勅批荅碑陰記

吳興地記

卷之十四

記

八關齊會報德記

叙石幢事附

崔孝公陋室銘記

撫州寶應寺翻經臺記

張長史十二意筆法記

卷之十五

詩

題杼山三癸亭

謝陸處士杼山折青桂花見寄之什

登平望橋下作

登峴山觀李左相石罇聯句

水堂送諸文士戲贈潘丞聯句

送耿滂拾遺聯句

擬五雜組

五言月夜啜茶聯句

三言重擬五雜組

五言夜宴詠燈聯句

三言喜皇甫曾侍御見過南樓翫月

七言重聯句

五言送李侍御聯句

五言翫初月重送聯句

五言重送橫飛聯句

七言大言聯句

七言小言聯句

七言樂語聯句

七言嘵語聯句

七言滑語聯句

七言醉語聯句

五言夜集聯句

刻清遠道士詩因而繼作清遠道士及李太尉皮日休所載附

五言使過瑤臺寺有懷園寂上人并序

贈僧皎然詩

補遺

裴將軍詩

遷獻懿二祖及禘祫議

干祿字書序

項王碑陰述

祭伯父豪州刺史文

與李太保帖

與澄師帖

與御史帖

守政帖

廣平帖

修書帖

中夏帖

文姝帖

訊後帖

移蔡帖

錫山

如

八

詩經

禮記曰先王論以爲行出於

而名生於人使夫善者

殷周之文至矣古由漢

文則不稱武言武則不稱

臣稱其至者不以不稱

文
綬
冊

顏魯公文集

錫山安國刊

卷之一

奏議

請復七聖謚號狀

謹按禮記曰先王謚以尊名節以一惠故行出於已而名生於人使夫善者勸而惡者懼也而虞夏之質殷周之文至矣而禹湯文武之君咸以一字爲謚言文則不稱武言武則不稱文豈聖德所不優乎蓋群臣稱其至者是以子不得議父臣不得議君天子崩

則臣下制諡於南郊明受之於天也諸侯薨則太子
赴告於天子明受之於君也至於周室卑大朴散諡
始以兩字爲重人或以虛美爲榮漢承戰國餘烈參
而用之君臣易名事歸至當少不以爲賤多不以爲
褒雖美衆所歸可一言而盡矣魏晉以降蓋不足徵
聖唐欽明憲章周漢爰初創業順考古道高祖諡太
武用漢制太宗諡曰文行周道也名正理順垂之無
窮上元中政在宮壺亂名改作始建神堯文武大聖
之號蓋非高宗之所獲已裒玄宗之末奸臣竊柄析
言而亂舊法輕議以改鴻名遂廣累聖之諡有加至

十一字者皇帝則悉有大聖之號皇后則皆有順聖之名使言之者惑於今行之者異於古非舊制也其後劍門下罪已之詔叙高祖已下累聖悉用舊諡則玄宗悔既往之失亦以明矣寶應中二聖山陵有司議謚事不師古變而行權去古質而尚浮華捨舊名而廣新諡謂一名不足以節惠迺十陪於古焉而累聖謚名悉以字多者爲定是廢高祖太宗之令豈曰愛君今制謚非古人皆知之有司因循其事而無敢言者假使當今守之而不改後人議之以爲非然所失豈不大哉何者臣子之於君父莫不欲廣其美稱

先王制禮不敢過也故至敬無文至文尚質質之數
極於一堯舜之美足以彰矣文之數於極二孝文孝
景之德亦以明矣質則近古文則近今此高祖太宗
所以更用其法後王所宜守之法也非天下之至聖
其孰能定之此天皇所以興聖主而正鴻名太宗所
以待孝孫而修廢典微臣所以守經義而崇聖朝陛
下宜奉天心繼先太宗之志使子孫蒙其法而萬代
守之此天下之能事也臣愚以爲高祖已下累聖謚
號悉宜取初謚爲定謹按舊制宜上高祖爲武皇帝
太宗爲文皇帝高宗爲天皇大帝中宗爲孝和皇帝

睿宗爲聖真皇帝其二聖諡名字數太廣有逾古制
臣愚請擇其美稱而正之謹按諡法秉德不回曰孝
照臨四方曰明宜上玄宗爲孝明皇帝又按諡法聖
善周聞曰宣宜上肅宗爲孝宣皇帝仍准漢魏及國
朝故事於尚書省議定奏御夫文弊則救之以質至
敬也名惑而反之於正至明也祖作之而孫述之至
孝也三者備矣然後能立天下之大本正天下之大
名建天下之大業能事畢矣伏惟皇
帝陛下詳擇

論元皇帝祧遷狀

王制天子七廟三昭三穆與太祖之廟而七又禮器
云有以多爲貴者天子七廟又伊尹曰七世之廟可
以觀德此經典之明證也七廟之外則曰去祧爲壇
去壇爲墠故歷代儒者制迭毀之禮皆親盡宜毀伏
以太宗文皇帝七代之祖高祖神堯皇帝國朝首祚
萬葉所承太祖景皇帝受命于天始封于唐元本皆
在不毀之典代祖元皇帝地非開統親在七廟之外
代宗皇帝升祔有曰元皇帝神土禮合祧迂或議者
以祖宗之名難於迭毀昔漢朝廷近古不敢以私滅
公故前漢十二帝爲祖宗者四而已至後漢漸違經

意子孫以推美爲先自光武以下皆有廟號則祖宗之名莫不建也安帝以讒害大臣廢太子及崩無上宗之奏後自建武以來無毀者因以陵號稱宗至桓帝失德尚有宗號故初平中左中郎蔡邕以和帝以下功德無殊而有過差不應爲宗及餘非宗者追尊三代皆奏毀之是知祖有功宗有德存至公之議非其人不居蓋三代立禮之本也自東漢已來則此道喪矣魏明帝自稱烈祖論者以爲逆自稱祖宗故近代此名悉爲廟號未有子孫踐祚而不祖宗先王者以此明之則不得獨據兩字而爲不祧之證假令

傳祚百代豈可上存百代以爲孝乎請依三昭三穆之義永爲通典寶應二年升祔玄宗肅宗則獻祖懿祖已從迭毀伏以代宗睿文孝皇帝卒哭而祔則合上迁一室元皇帝代數已遠其神主準禮祧而禘祫之時然後饗祀

廟享議

議者或云獻祖懿祖親遠廟迁不當祫享宜永闕於西夾室又議者云二祖宜同祫享與太祖並列昭穆而空太祖東向之位又議者云二祖若祫同享即大祖之位永不得正宜奉迁二祖神主祔藏於德明皇

帝廟臣伏以三議俱未爲允且禮經殘缺既無明據
儒者能比方義類斟酌其中則可舉而行之蓋叶於
正也伏以太祖景皇帝以受命始封之功處百代不
遷之廟配天崇享是極尊嚴且至禘祫之時暫居昭
穆之位屈已伸孝敬奉祖宗緣齒族之禮廣尊天之
道此實太祖明神烝烝之本意亦所以化被天下率
循孝悌也請依晉蔡謨等議至五年十月祫享之日
奉獻祖神主居東面之位懿祖太祖裊諸祖宗遵左
昭右穆之列此有以彰國家重本尚順之明義足爲
萬代不易之令典也又議者請奉迂二祖神主於德

明皇帝廟行祫祭之禮夫祫合也故公羊傳曰大事者何祫也若祫祭不陳於太廟而享於德明廟斯乃分食也豈謂合食乎名實相乖尤失禮意固不可行

論百官論事疏

御史中丞李進等傳宰相語稱奉進止緣諸司官奏事頗多朕不憚省覽但所奏多挾私讒毀自今論事者諸司官皆須先白長官長官白宰相宰相定可否然後奏聞者臣自聞此語已來朝野囂然人心亦多衰退何則諸司長官皆達官也言皆專達於天子也郎官御史陛下腹心耳目之臣也故其出使天下事

無巨細得失皆令訪察廻日奏聞所以明四目達四聰也今陛下欲自屏耳目使不聰明則天下何述焉詩云營營青蠅止于棘讒言罔極交亂四君以其能變白爲黑變黑爲白也詩人深惡之故曰取彼讒人投畀豺虎豺虎不受投畀有北則夏之伯明楚之無極漢之江充皆讒人也孰不惡之陛下惡之深得君人之體矣陛下何不深廻聽察其言虛誣者則讒人也因誅殛之其言不虛者則正人也因獎勵之陛下捨此不爲使衆人皆謂陛下不能明察倦於聽覽以此爲辭拒其諫諍臣竊爲陛下痛惜之臣聞太宗勤

於聽覽庶政以理故著司門式云其有無門籍人有
急奏者皆令監門司與仗家引對不許關礙所以防
壅蔽也并置立仗馬二疋須有乘騎便往所以平治
天下正用此道也天寶已後李林甫威權日盛郡臣
不先諮宰相輒奏事者仍託以他故中傷之不敢明
約百官令先白宰相又閹官袁思藝日宣詔至中書
玄宗動靜必告林甫先意奏請玄宗驚喜若神以此
權柄恩寵日甚道路以目上意不下宣下情不上達
所以漸致潼關之禍皆權臣誤主不遵太宗之法故
也陵夷至于今日天下之弊盡萃于聖躬豈陛下招

致之乎蓋其所從來者漸矣自艱難之初百姓尚未彫弊太平之理立可便致屬李輔國用權宰相專政遞相姑息莫肯直言大開三司不安反側逆賊散落將士比走党項合集土賊至今爲患僞將更相驚恐因思明危懼扇動却反又今相州敗散東都陷沒先帝由此憂勤至於損壽臣每思之痛切心骨今天下兵戈未戢瘡痍未平陛下豈得不日聞讜言以廣視聽而欲頓隔忠讜之路乎臣竊聞陛下在陝州特奏事者不限貴賤務廣聞見乃堯舜之事也凡百臣庶以爲太宗之理可翹足而待也臣又聞君子難進易

退由此言之朝廷開不諱之路猶恐不言况懷默念
令宰相宣進止使御史臺作條目不令直進從此人
人不敢奏事則陛下聞見只在三數人耳天下之士
方鉗口結舌陛下後見無人奏事必謂朝廷無事可
論豈知懼不敢進即林甫國忠復起矣凡百臣庶以
爲危殆之期又翹足而至也如今日之事曠古未有
雖李林甫楊國忠猶不敢公然如此今陛下不早覺
悟漸成孤立後縱悔之無及矣臣實知忤大臣者罪
在不測不忍孤負陛下無任懇迫之至

朝會有故去樂議

周禮大司樂職云諸侯薨令去樂大臣死令弛懸鄭注云去謂藏之弛謂釋下也是知哀輕者則釋哀重者則藏又按庾蔚之禮論云晉元后秋崩武帝咸寧元年享萬國不設樂永嘉元年冬惠帝三年喪制未終司徒左長史江充議二年正會不宜作樂又章皇后哀限未終后主已入廟博士徐乾議曰周景王有后嫡子之喪既葬除服叔向猶議其晏今不宜懸宋書禮制云晉武帝已來國有大喪廢樂三年又按江都集禮說晉博士孔恢朝廷過密懸而不作恢以爲宜都去懸設樂爲作不作則不宜懸孟獻子禫懸而

不樂自是應作耳故夫子曰獻子加於人一等矣非謂不應作而猶懸也國喪尚近謂金石不可陳於庭又徐廣晉史曰聞樂不怡故申情於過密諒闇奪服慮政事之荒廢是故秉權通以變常量輕重以降差臣以周禮去樂之文宋志終喪之證徐廣之論寧戚孔恢之說禫懸理既可憑事又故實伏請三年未畢都不設懸如有齊衰喪及遇大臣薨歿則量輕重懸而不作

顏魯公文集

錫山安國刊

卷之二

皇帝即位賀上皇表

臣某言六月二十七日伏承賊陷潼關駕幸蜀郡李
光弼郭子儀等正圍博陵郡收兵入土門王師旣還
百姓震恐憂惶危懼若無所歸臣不勝悲憤之深遂
遣脚力人張雲子間道上表猶恐不達又差招討判
官信都郡武邑縣主簿李銑相繼行銑及雲子前後
並到靈武郡奉皇帝七月十二日勅伏承陛下命皇

太子踐祚改元皇帝上陛下尊號曰上皇天帝臣及
官吏僧道耆壽百姓等蹈舞抃躍其張雲子回皇帝
授臣工部尚書兼御史大夫其李銑回又授臣銀青
光祿大夫顧以庸微頻叨寵命道路隔絕辭讓無由
進退失圖伏增惶懼竊以逆賊安祿山孤負聖恩憑
陵寓縣禍盈惡稔尚稽天誅今皇帝撫軍蒼生賈勇
豐鎬河洛指期可平伏願陛下垂拱頤神以覩廓清
之慶臣官守有限不獲隨例闕庭無任懇款悲戀之
至

批荅

兇逆亂常侵侮中夏潼關失守京國不寧朕因
涉岐梁至於巴蜀遂命皇帝肇登寶曆爰靜妖
氛今官軍益振迴紇効款即擬南行共爲翦滅
卿忠惟奉國孝則保家懷不二之心秉難奪之
操皇帝累申寵命兼以崇班宜有懋於深功且
用光於重守

讓憲部尚書表

臣某言臣聞無功受賞爲善不勸有罪不罰爲惡罔
辯陛下剋復之期匪朝伊夕至如賞罰二柄事在必
行苟或不明於何取則臣以愚懦叨守平原屬逆賊

安祿山背叛聖恩擾犯河洛臣堂兄杲卿以常山太
守首開土門臣與河北諸郡因之固守人臣本分夫
有何功上皇授臣戶部侍郎兼知招討採訪等使已
失人望緣賊未滅遂不敢辭又令李光弼郭子儀賀
蘭進明等與臣討會同計兇逆三數月間河北向定
屬潼關失守大駕西巡光弼等却入土門諸郡危逼
陛下御極又錄臣無功寵以非次常伯亞相一時猥
集臣兄允南弟允臧等連榮臺省一男三姪皆授好
官在臣一門叨幸斯極殞身碎首無以上報臣常使
判官鉅鹿郡南和縣丞賈載姪男永王府典軍廣成

及行官鄧昌珍楊神功裴法成等十餘人將綵物絹帛相繼渡海與劉正臣計會共和三蕃正臣等剋期南來行已有日屬逆賊史思明尹子奇等乘其未至悉力急攻諸郡無援相次陷沒皆由臣孱懦無謀致此顛沛誠合殉命危難死守孤城以爲歸罪闕庭愈於受擒賊手所以僂俛偷生過河緣劉正臣使楊神功將牒與臣索兵馬及盤瓶錦張帳令應接奚契丹等不與其勾當伏恐陛下貽憂又恩勅先超授吳郡司士鄭毓樂安郡太守令於江淮南兩道度僧道取錢與臣召募士馬令應接河北臣由此未獲即赴行

在遂至廣陵丹陽等郡各與採訪使計會竟不得兵馬即累奉聖旨許臣入奏行至武當郡又奉恩命除臣憲部尚書兼令使者送告身與臣捧戴殊私不任惶懼陛下縱含弘善貸不忍明刑在臣覩冒至深胡顏自處臣忝爲大臣繫國休戚損臣益國臣受其益損國益臣臣受其損若受任失守還朝屢迁示國無刑於臣大損非敢外飾實披至誠又臣名節雖微任位頗重爲政之體必在律人恩先逮下罰當從上今罪一人則萬人懼若怙於寵四海何瞻伏願陛下重貶臣一官以示天憲使天下知有必行之法則知有

必賞之令寵榮過於尚書遠矣無任懇悃之至

云云

批荅

卿才推翰苑望重朝廷昆弟成名俱效忠節頃
蜂蠆縱毒郡邑多虞卿能審事宜捍禦兇盜雖
平原不守而功效殊高自遠歸朝深副朕望允
膺曳履之命無至免冠之請

謝兼御史大夫表

臣某言伏奉今日制書以臣兼御史大夫本官如故
思榮累及成命曲臨捧戴殊私慙惶靡據

中謝

臣孱

微有素抗直無聞比守平原困於兇賊不能死節負

義歸朝斧鉞之誅甘心待命崇高之位不次頻叨孟
夏之中始操刑柄數旬之內兼總憲司撫已缺如負
乘斯甚將何以明刑天下振舉朝綱臣聞奏漢之時
凡有制詔皆下丞相御史府人至于今稱爲副相東
方朔舉自古賢聖以次百官乃以孔丘爲御史大夫
則知其官何可妄授况列曹尚書古之常伯如天之
有斗豈易其人昨以表辭非敢矯舉恐煩天聽僂俛
就班候隙請問方擬牢讓不圖榮寵又集微軀聖恩
頻繁固令即上陳請莫遂惶懼益深又臣竊見近日
朝列之內或有身兼數官苟貪利權多致顛覆害政

非一妨賢實多臣嘗忿之其忍自冒無任懇迫屏營
之至謹詣閣門陳謝以聞倘天聰聽卑猶冀少迴恩
送停臣一職別授忠賢則雖死猶生期於畢力臣某
云云

批答

卿德重才博久而益彰深竭忠貞克著名節乃
今再造區夏籍卿以振朝綱曳履之榮允膺其
象弄印之寵無以易卿既簡朕心不至謙讓所
謝知

馮翊太守上表謝

臣某言伏奉某月日思制除臣馮翊太守以某日至
郡上訖受命祗懼伏增戰越

中謝

臣自失守平原萬

里歸命甘心斧鉞用儆敗亡陛下錄纖芥之誠捨丘
山之罪超司秋典再長憲臺宗伯亞相一時猥集在
臣叨幸何以克堪誓當粉骨碎身少酬萬一而力微
任重福過災生消塵莫効咎愆仍積上負聖明之恩
下慙魯衛之士槃木加劍未塞深尤禦魃投荒乃爲
殊造陛下識其眉目矜其要領待本罪猶忝於左馮
黜官不離於秩感念恩德淪于心髓木石知變況在
微臣伏惟陛下察其驚萬收其後效臣雖萬死實荷

所天竊以此郡破亡再陷兇逆生靈塗炭邑室空虛
殺傷者雖或蓋藏逃亡者尚未歸復謹當勵精悉力
宣諭皇明旬月之間望有所校伏惟陛下減省聖慮
不以此郡爲憂則臣之愚忠生死萬足其戶口實數
并利害切急者伏望容臣括責續狀奏聞無任感戀
之至

批答

卿夙負名器列在朝廷委弄印之傳兼曳履之
寵而乃事乖執法情未減私朕念以勲遂從
寬宥今左輔之郡凋弊之餘宜加撫存以申來

効所謝知

蒲州刺史謝上表

臣某言臣今月十一日伏奉五日恩制除臣使持節蒲州諸軍事蒲州刺史充本州防禦使臣緣同州先無佐官蒲州書魚未到遲迴累日不敢赴上中使張抱誠至奉宣恩命令臣與將軍趙瑣計會遊奕兵馬昨以十八日至州上訖祇承寵命伏憎感惕中謝臣竊以此州之地堯舜所都表裏山河古稱天險餘兇未殄防禦是先况振秦晉之喉撫幽并之背既號股肱之郡實資心膂之賢伏惟光天文武大聖孝感皇

帝陛下道冠生人恩涵墜履方建非常之業不遺易
忘之臣特委大邦俾之集事戴荷殊獎無忘寢食但
臣愚駑有素智勇缺然將以鎮遏艱虞導揚德澤拜
命之日以榮爲憂唯君知臣教其不及勤恤人隱動
必以聞陛下不以爲煩則臣死而獲考矣無任感戴
屏營之至

批答

卿箠紱之端名節素重出鎮藩翰克効忠勤况
自同及蒲襟帶相接宣風布化實行於卿特委
股肱尤當勉勵防虞恤隱必應事宜所謝知

謝浙西節度使表

臣某言伏奉六月九日恩制以臣為昇州刺史充浙西節度使兼江寧軍使聖德含弘不遺簪履捨其罪戾假以麾幢感戴恩榮死生知報中謝臣以為全吳舊國分閩重權煮東海以自資塹西河而作固九州天險之地六代帝王之都是以魏文興嗟甘從南北之限符堅怙侈爰喪百萬之師豈不以形勝是先腹心斯切親賢重寄鎮遏攸難矧在庸微寧堪及此是以拜命之日以榮為憂制書以今日四日至饒州臣以今日發赴本道取都統節度觀察使李峘處分訖

即赴昇州即當繕修甲兵撫循將士觀察要害以備
不虞假陛下英武之威遵陛下平明之理一心戮力
上答天慈伏惟陛下察臣愚忠則死且不朽無任感
戴屏營之至

批答

卿學行有聞謀猷克壯屢經寒歲不改松筠且
江寧古之帝都實為巨防自非宿德其可濫居
委卿忠誠俾當連帥宜弘籌略為朕緝綏所謝
知

謝戶部侍郎表

臣某言伏奉某月日恩命以臣爲戶部侍郎榮寵自

天感戴交集

中謝

臣聞地官之任邦教是資侍郎之

職非賢不授况臣資性愚蒙行能無取頻以踈拙獲
罪朝廷五年之間三貶官次先朝皇極猶佐藩條官
階勲封盡蒙黜削待罪三年分從遐棄屬陛下以聰
明睿哲嗣聖登庸恩宥廣覃授臣利州刺史詔書始
下纔涉旬朔不遺易忘之臣忽奉待詔之命生死骨
肉受賜已深對見之辰又蒙假以章服小臣懷惠寤
寐無寧聖澤頻繁叨戴斯授循涯省分盈量則多粉
骨糜軀罔知攸答無任感戴惶懼之至

批答

卿門傳儒行代挹公才忠義在躬幹蠱從政頃
升八座式昭水鏡之規往鎮兩河能鳴風雨之
晦比雖因事見貶今則念舊錄功然以地官務
殷惟才是屬周行所舉殊愜朕懷所謝知

謝吏部侍郎表

臣某言伏奉某月日恩制以臣為吏部侍郎又奉某
月日恩制加臣銀青光祿大夫浹辰之間殊澤洊至
恭承寵命戴荷交馳中謝竊以國之所急必在官人
銓綜之司非賢弗授伏揆虛薄祇懼實深常恐上塵

則哲之明下負竊位之責未酬萬一再沐恩私寵命
忽臨舊階旋復叨榮既甚宥過何深佩玉腰金實懼
在梁之刺忘軀拜賜携懷粉骨之誠施重力微罔知
攸措無任荷戴屏營之至

批答

卿鬱然詞宗雅有朝望高標勁節歷霜霰而不
渝握鏡懸衡鑒人倫而式叙是用特加命數光
乃純臣復銀青之舊階鳴水蒼之雜珮佇聞密
啟以定九流舉其朝綱僉曰惟允所謝知

謝荆南節度使表

臣某言伏奉二十七日恩制除臣江陵尹兼御史大夫充荆南節度觀察處置使寵命自天戰荷無地中謝竊以荆南巨鎮江漢上游右控巴蜀左聯吳越南通五嶺北走上都寇賊雖平襟帶尤切雖叔子仁德元凱智囊居之猶或病諸過此豈宜濫據祇承睿顧伏深慙惕無任感戴屏營之至

批答

卿明邁偉才忠貞壯節夙推公器累踐周行專城高魏尚之勛會府著山濤之積而七澤交帶三江要衝式資統尹之方雅屬旌旄之寄人存

政舉其在茲乎所謝知

顏魯公文集卷之二

顏魯公文集

錫山安國刊

卷之三

表下

并批答

謝贈官表

臣某言伏奉二月十七日恩制臣亡祖故曹王屬曹
王晉王侍讀先臣昭甫特蒙聖恩超贈使持節華州
諸軍事華州刺史天慈錫類泉壤䟽榮捧戴殊私闔
門感慶中謝竊以臣亡祖伏膺文儒克篤前列能讀
三墳五典八索九丘特爲伯父故祕書監先臣師古

之所賞愛師古每有注釋未嘗不參預焉又與學士
令狐德棻等同侍天皇得備顧問有時無命天闕盛
年臣亡父故薛王友先臣惟貞亡伯故濠州刺史先
臣元孫等並襦襪苴麻孩提未識養於舅氏殷仲容
以至成立臣堂兄故衛尉卿兼御史中丞杲卿即元
孫之子及臣兄弟等幸承貽厥之訓遭遇明聖之朝
各以微誠皆蒙殊獎杲卿雖死爲不朽矣臣亦何人
屢叨榮祿夙夜祇懼慚戴已深不謂霈澤曲霑褒贈
俯及特蒙加等之禮實爲非常之恩感戴屏營萬死
非報無任戰荷之至謹因中使內謁者監張抱誠冒

死陳謝以聞

云云

批答

卿之乃祖當為碩儒既高倚相之能遂有臧孫
之後不墜其業在卿之門式覃追遠之恩俾蒙
貽厥之慶加贈方岳以表哀榮所謝知

乞御書天下放生池碑額表

臣某言臣聞帝王之德莫大於生成臣子之心敢志
於讚述臣去年冬任昇州刺史日屬左驍衛左郎將
史元琮中使張庭玉等奉宣恩命於天下州縣臨江
帶郭處各置放生池始于洋州興道汜于昇州江寧

秦淮太平橋凡八十一所恩沾動植澤及昆蟲發自
皇心徧于天下歷選列辟未之前聞海隅蒼生孰不
欣喜臣時不揆愚昧輒述天下放生池碑銘一章又
以俸錢於當州採石兼力拙自書蓋欲使天下元元
知陛下有好生之德因令微臣獲廣昔賢善頌之義
遂絹寫一本附史元琮奉進兼乞御書題額以光揚
不朽緣前書點畫稍細恐不堪經久臣今謹據石擘
窠大書一本隨表奉進庶以竭臣下悽悽之誠特乞
聖恩俯遂前請則天下幸甚豈惟愚臣昔秦始皇暴
虐之君李斯邪諂之臣猶刻金石垂於後代魏文帝

外禪之主鍾繇偏方之佐亦於繁昌立表頌德况陛下以巍巍功業而無紀述則臣竊耻之謹昧死以聞伏增戰越

云云

批答

朕以中孚及物亭盲為心凡在覆載之中畢登仁壽之域四靈是畜一氣同和江漢為池魚鱉咸若卿慎徽盛典潤色大猷能以懿文用刊樂石體含飛動韻合鏗鏘成不朽之立言紀好生之上德唱而必和自古有之情發于中予嘉乃意所請者依

顏魯公文集卷之三

古亦其樂也

顏魯公文集

錫山安國刊

卷之四

碑

天下放生池碑銘

并序

皇唐七葉我乾元大聖光天文武孝感皇帝陛下以
至聖之姿屬艱虞之運無少康一旅之衆當祿山強
暴之初乾鞏勞謙勵精爲理推誠而萬方胥悅尅己
而天下歸仁恩信侔於四時英威達于八表功庸格
天地孝感通神明故得迴紇奚霫契丹大食盾蠻之

屬扶服萬里決命而爭先朔方河東平盧河西隴右
安西黔中嶺南河南之師號纒五年椎鋒而効死摧
元惡如拉朽舉兩京若拾遺慶緒遁逃已蒙赤族之
戮思明陞伏行就沸鼎之誅拯已墜之皇綱據再安
之宗社迎上皇於西蜀申子道於中京一日三朝大
明天子之孝問安視膳不改家人之禮蒸蒸然翼翼
然真帝皇之上儀誥誓所不及已歷選內禪生人以
來振古及隋未有如我皇帝者也而猶嫗煦萬類勤
瘁四生乃以乾元二年太歲己亥春三月己丑端命
左驍衛右郎將史元琮中使張庭玉奉明詔布德音

始于洋州之興道泉山南劍南黔中荆南嶺南江西
浙西諸道汔于昇州之江寧秦淮太平橋臨江帶郭
上下五里各置放生池凡八十一所蓋所以宣皇明
而廣慈愛也易不云乎信及豚魚書不云乎鳥獸魚
鱉咸若古之聰明叡智神武而不殺者非陛下而誰
昔殷湯克仁猶存一面之網漢武垂惠纔致銜珠之
答雖流水救涸寶勝稱名蓋事止於當時尚介祉於
終古豈若我今日動者植者水居陸居舉天下以爲
池罄域中而蒙福乘陀羅尼加持之力竭煩惱海生
死之津揆之前古曾何髣髴微臣職忝方面生丁盛

美受恩寔深無以上報謹緣臯陶奚斯歌虞頌魯之
義述天下放生池碑銘一章雖不足雍容明聖萬分
之一亦臣之精懇也敢刻金石著其詞曰

明明皇帝臨下有赫至德光天乾元啓賸緯武戡亂
經文御曆孝感神明義形金石仁覆華夏恩加蠻貊
道冠巍巍威深號號遘茲多難克廣丕績慶緒旣誅
思明辟易人道助順天心惡逆撲滅之期匪朝倂夕
乘此寶祚永康宗祐業盛君親功崇列辟交禪之際
粲然明白迥映來今孤高往策去殺留惠好生立僻
率土之濱臨江是宅遂其生性庇介鱗鬪環海為池

周天布澤致茲忠厚罔弗怡懌動植依仁飛沉受獲
流水長者徒稱往昔寶勝如來疇庸允格德力無競
慈悲孔碩相時傳聞尚賴弘益矧在遭遇其忘敷錫
真卿勒銘敢告凡百臣真卿以乾元三年春三月戊
辰撰至大曆七年秋九月己亥自撫州刺史蒙除湖
州八年秋七月戊戌於州駱駝橋東追建吳文休鑄
湖州烏程縣杼山妙喜寺碑

州西南杼山之陽有妙喜寺者梁武帝之所置也大
同七年夏五月帝御壽光閣會所司奏請置額帝以
東方有妙喜佛國因以名之舊置在州西金丰山唐

太宗文皇帝升極之六年春二月移於此山山高三百尺週迴一千二百步蓋昔夏杼南巡之所今山有夏王村山西北有夏駕山皆后杼所幸之地也晉吳興太守張玄之吳興疏云烏程有墟名東張地形高爽山阜四周即此山也其山勝絕遊者忘歸前代亦名稽留山寺前二十步跨澗有黃浦橋南五十步又有黃浦亭並宋鮑昭送盛侍郎及庾中郎賦詩之所其水自杼山西南五里黃蘗山出故號黃浦俗亦名黃蘗澗即梁光祿卿江淹賦詩之所寺東偏有招隱院其前堂西廡謂之溫閣從草堂東南屈曲有懸

巖徑行百步至吳興太守何楷釣臺西北五十步至
避它城按說文云它虵也上古患它而相問得無它
乎蓋往古之人築城以避它也有處士竟陵子陸羽
杼山記所載如此其臺殿廊廡建立年代並具于記
中大曆七年真卿蒙刺是邦時浙江西觀察判官殿
中侍御史袁君高巡部至州會於此上真卿遂立亭
於東南陸處士以癸丑歲冬十月癸卯朔二十一日
癸亥建因名之曰三癸亭西北於藜桂之間創桂棚
左右數百步有芳林茂樹悉產丹青紫三桂而華葉
異各樹桂之有支徑以袁君步焉因乎爲御史徑真

卿自典校時即著五代祖隋外史府君與法言所定
切韻引說文蒼雅諸字書窮其訓解次以經史子集
中兩字已上成句者廣而編之故曰韻海以其鏡照
源本無所不見故曰鏡源天寶末真卿出守平原已
與郡人渤海封紹高寘族弟今太子通事舍人渾等
修之裁成二百卷屬安祿山作亂止其四分之一及
刺撫州人左輔元姜如璧等增而廣之成五百卷事
物嬰擾未遑刊削大曆壬子歲真卿叨刺于湖公務
之隙乃與金陵沙門法海前殿中侍御史李嶸陸羽
國子助教州人褚冲評事湯某清河泉太祝柳察長

城丞潘述縣尉裴循常熟主簿蕭存嘉興尉陸士修
後進楊遂初崔弘楊德元胡仲南陽湯涉顏祭韋介
左興宗顏策以季夏於州學及放生池日相討論至
冬徙于茲山東偏來年春遂終其事前是顏渾正字
殷佐明魏縣尉劉茂括州錄事參軍盧鏐江寧丞韋
寧壽州倉曹朱弁後進周愿顏暄沈殷李莆亦嘗同
修未畢各以事去而起居郎裴郁祕書郎蔣志評事
呂渭魏理沈益劉全白沈仲昌攝御史陸向沈祖山
周闓司議丘悌臨川令沈咸右衛兵曹張著兄暮弟
薦薦校書郎權器興平丞韋柏尼後進房夔崔密崔

萬竇叔蒙裴繼姪男超峴愚子頌顧往來登歷時杼
山大德僧皎然工於文什惠達靈曄昧於禪誦相與
言曰昔廬山東林謝客有遺民之會襄陽南峴羊公
流潤甫之詞况乎茲山深邃群士嚮集若無記述何
以示將來乃左顧以求蒙俾記詞而藏事■銘曰夏
后南巡山名是因梁王東睽寺榜攸詢形勝天絕規
模鼎新避它城古垂釣臺堙棚以桂結浦由黃申二
庾迢遶三癸嶙峋徑列御史傳紆逸人紛吾著書群
彥惠臻海韻源鏡自秋徂春編同貫魚學比成麟幸
託勝引亟倍僧珍庶斯見傳金石不泯

開府儀同三司行尚書右丞相上柱國贈太尉廣平文貞公宋公神道碑銘

於戲逆鱗劇上臣救之義深守死不回人臣之致極况乎文包風雅道濟生靈建一言而天下倚平含九德而三光式序超無友而獨立者其惟廣平公乎公諱璟字邢州南和人其先出于殷王元子七代

祖弁魏吏部尚書襲烈人子祖欽道北齊黃門侍郎並事跡崇高各見本傳高祖元節定州田曹曾祖弘俊大理丞祖務本皇櫟陽令父玄撫衛州司戶贈戶部尚書自田曹至于尚書皆實浮於名而位不充量

事見許公蘇頲所撰神道碑公七歲能屬文一遍誦
服鳥賦丁尚書府君憂水漿絕口者五日八九歲時
嘗夢大鳥銜書吐公口中公吞之遂來而直上倏忽
驚寤猶若下在宵間自後藻思日新襟懷益爽年十
六或讀易曠時不精公遲而覽之自亥及寅精
義必究明年進士高第補上黨尉轉王屋主簿相國
蘇味道為侍御史出使精擇判官奏公為介公作長
松篇以自興梅花賦以激時蘇深賞嘆之曰真王佐
才也轉合宮尉長壽三年從調判入高等有司特聞
天后親問所欲公以代為唐臣不求榮達詭奏云家

本山東願得魏之一吏遂手詔授錄事參軍拜舞趨
出后異而召還又手詔拜監察御史裏行尋丁齊國
太夫人憂服闋築室反耕志圖不起俄而即真遷殿
中侍御史同列有博于臺中者將責名品而黜之博
者惶恐自匿翌日公獨正辭引過天后悅而釋之遷
天官員外郎鳳閣舍人御史中丞乃謂所親曰吾比
欲優游自免不圖要近驟至於斯其敢廢所職乎乃
悉心納忠無所迴避時張易之昌宗兄弟席寵脅權
天下側目公危冠入奏奮不顧身天后失色蒼黃欲
起公叩頭流血誓以死爭拾遺李邕奏曰陛下坐則

天下安起則天下危內史令勅公出公曰天顏咫尺親奉德音不勞宰臣擅宣王命詞氣慷慨左右震悚遂俱攝詣臺庭立切責二豎股栗氣索不敢仰視自朝至於日昊勅使馳救之公不得已而罷又令詣公謝罪公拒之後有慘恤二豎來吊公辭曰貴近不宜與執法通同假滿朝士慰公二豎又欲序進公舉板迎揖之不得成禮而去神龍之興復也公實佐其謀及當疇庸讓而不受曰清宮問罪事出五王祀夏中興功歸明主非曰逃賞誰敢貪天俄拜朝散大夫吏部侍郎兼諫議大夫遷黃門侍郎嘗遇梁王武三思

於朝三思方欲言事公正色謂之曰當今復子明辟
王宜以候就第何得尚于朝政三思慙懼而退請急
累月俄而兼攝尚書左丞玄宗將幸西蜀深虞北鄙
乃兼檢校并州大都督府長史又改兼貝州刺史與
數人同辭三思獨揖公住公顧謂之曰諸人已出不
可獨留遂揖之而去屬年穀不登國租罷入三思食
邑公悉觸之既屢挫其鋒亦處之自若俄而真拜轉
杭州又復遷相州尋入為洛州長史唐隆初拜吏部
尚書同中書門下三品唐隆初即景雲元年也是年
六月甲申改元唐隆七月己巳改元景雲璟之拜命

在丁巳未改景雲之前故曰唐隆初宰相表統言之
故曰景雲粵五日兼右庶子尋加銀青光祿大夫玄
宗之在儲闈鎮國太平長公主潛謀廢立嘗於光範
門內坐步檐中諷宰臣以此旨諸相失色莫敢先言
公盛氣詰之曰東宮有大功宗廟社稷主也安得異
議遂奏婦人于政恐生禍階請不令朝謁俄而男又
縱橫公奉之繇是貶楚州刺史主亦竟以凶終無何
復拜銀青歷魏交冀三州兼河北按察使尋遷幽州
都督兼御史大夫復爲魏州入爲國子祭酒東都留
守開元二年尋拜御史大夫兼京兆尹貶睦州刺史

轉廣州都督充按察經畧討擊使又兼御史大夫特
許便宜從事前是首領桀驁多據洞不賓公之下車
無敢不斂彼之風倍趨苟簡茅茨竹櫨比屋鱗次
火災歲起煨燼無餘公教之度材變以陶瓦千甍齊
翼萬堵皆興于今賴焉燕國公張說者為碑頌無何
使中官楊思勗召公公拜恩而就馬便行在路竟不
交一言思勗以將軍貴幸泣訴于帝帝嗟嘆久之拜
刑部尚書四年遷吏部兼黃門監修國史五年改號
侍中明年幸洛陽至三嶠馳道險隘行不得前河南
尹李朝隱知頓使中丞王怡並坐當降默公奏曰必

若致罪二臣將來必受其弊遂命公捨之曰陛下責之以臣免之是過歸於上恩由於下臣請使且待非然後俾其復職上遂嘉而從之玄宗嘗命公名諸皇子及公主邑號既而又令各定一美名公奏稱七子均養鳴鳩之德錫以名號不宜有殊若母寵子愛恐非正家之道王化所宜玄宗悅而從之八年拜開府儀同三司進爵廣平郡開國公策勲上柱國狂豎權梁山構逆長安有司深探其獄勅公按覆如京兆司錄李如璧等百餘家皆以借宅假器悉當連坐公以婚姻假借天下大同至于京城其例尤衆知情即是

同反無罪不合論辜兇渠之外一切原免天下欣服
焉中書令河東張公傑出將明之材獨運廟堂之上
鏡機朝澈見事風生風生求公規模悉閱堂案每至
危言讜議執正守中未嘗不廢卷失聲汗流浹背其
為通賢所服也如此十三年新舊史並作十二年駕幸東都以
公為西京留守公極言得失無有所隱玄宗感悅制
曰所奏之言置之座右出入觀省以誠終身因賜綵
物二百疋明年又兼吏部十七年拜尚書右丞相雅
善戲謔不常矜莊與故戶部尚書為王峻為莫逆之
友晚而彌篤凡所談諧人輒䟽取端五日蒙賜鍾乳

命醫婦鍊或以爲上藥異殊不宜委之公曰推誠求

信猶懼不應猜以待人信其可得聞者慙退二十一

年新舊史作二十年抗疏告老至于再三手詔優許遂特給

全祿賜絹五百疋還東京公以爲大臣婦休不宜關

通人事遂杜絕賓客其年新舊史作二十二年駕幸洛陽公迎

拜道左玄宗親駐龍蹕使榮王琬勞問者數四自後

中使往來賞賚不絕方崇乞言之典以極師臣之敬

二十五年仲冬月十九日寢疾薨于東都明教里第

享年七十五天下下失聲玄宗震悼追贈太尉謚曰

文貞公賻物米粟常數有加喪葬官供仍詔河南少

尹崔釋之充監護使夫人齊國夫人博陵崔氏滄州
長史藝之女淑慎嚴整高明柔克訓諸子而慈且有
威佐丞相而德無違者門內之理一以見咨躡公而
歿允終偕老嗚呼公有七子復同州司功先公而卒
昇尚書郎太僕少卿尚漢東太守渾職方郎中諫議
大夫御史中丞東京畿採訪使太子左諭德恕都官
郎中延原少尹華判入高等登封尉尉氏令衡右散
騎常侍兼御史中丞河南節度行軍司馬或肅或文
或哲或義克篤前烈以休令聞以戊寅歲五月二十
九日處奉遺約歸葬公于沙河縣太尉鄉丞相原之

先塋夫人合而祔焉禮也惟公間氣降神應期傑出生知禮度天縱才明玉立殿天子之邦介然秉大臣之節震電憑怒謹言而不有厥躬鼎鑊沸前臨事而義形于色蠢迪檢押難常情之所易志深直諒易古人之所難外其身而富貴不離行其道而死生勿替非夫合一之德格于皇天不二之心形于造次則何以异是乎允所謂振古之元龜皇王之威寶者矣且夫公之德烈充塞寰宇公之謀猷著明日月大曆五年冬十二月孫儼懼遺盛美不遠求蒙以真卿天祿校文叨太僕之下列憲臺執簡承諭德之深知雖青

史傳信實錄已編於方冊而豐碑勒銘表墓願備於
論譔謹憑吏部員外郎盧僕所上行狀畧陳萬一多
恨闕遺其辭曰

天命玄鳥降而生商湯孫之緒微子分疆詞招正則
尉翼文皇吏部黃門紛綸耿光忠賢世出信史相望
篤生丞相祚我有唐文明純嘏毅烈堅剛恒衛間氣
星辰降芒嶷然山立鏗爾金鏘忠孝之盛人倫紀綱
垂髻能文夢鳥發祥通昔究易冲齡擅場勝冠結綬
歷政洋洋乃尉合宮貳軺琅琅賦唾梅艷篇美松長
蘇公嗟稱才必佐王滿歲從調試言高驥登聞黼宸

驟列繡裳筵跡天官如珪如璋如璋司言鳳閣綸綍煌煌
乃作中丞威稜莫當志除兇狡廷劾二張天后愕眙
百寮震惶公獨凜然出身激昂義形言色精貫穹蒼
皇室中興嘉謀克彰功成生讓事軼屠羊貳職選曹
諫議是匡載清流品屢奏封章乃侍瑣闥時維夕郎
悉心糾正庶績咸康三思睢盱席寵于常責之就第
慙懼靡亢左曹攝轄大鹵于襄兼刺貝立朋辭鴈行
三思揖語公獨循墻處之不忤轉旆于杭既遷鄴城
遂尹洛陽乃作冢宰訐謨廟堂俄兼宮相亟縮銀黃
玄宗登儲鎮國是遑潛謀廢立謠詠相翔厥男撓政

累奏愆殃聿臨楚邦存察冀方總督幽薊翻飛國庠
亞相烈烈尹京趙趙旋臨建德歛莅南荒俚帥咸旣
茅槐是攘張公頌德雋永甘棠所忠來召拜命即裝
略無交言帝用式臧載司刑吏八座抑揚兼監黃樞
鈞軸是將匪躬蹇蹇終始泐泐乃拜儀同允釐保鄣
河東閱故汙洽流漿狂豎犯關兇渠既戕命公覆獄
咸脫死亡乃陟右揆決決每謔王君豈常矜莊懸車
告老庶保康強方崇潰醜孤映縑緇天不憖遺萎哲
壞梁一人震悼九有淒涼市既罷賈春仍絕糧乃贈
太尉飾終禮滂返葬沙河羽儀央央闔朝傾祖河尹

護喪生榮死哀行路感傷令人孺慕攀泣嗶嗶高墳
崔嵬鉅鹿劇旁森梢宰樹繚繞連岡吁嗟廣平宅此
不暘孝孫翼翼論譔靡忘豐碑碣堅萬古訾相

開府儀同三司太尉兼侍中河南副元帥都

知河南淮南淮西荆南山南東五道節度行

營事東都留守上柱國贈太保臨淮武穆王

李公神道碑銘

昔宗周之中興也時則有若方叔召虎總師于肇敏
之業南威蠻荆東截淮浦以左右宣王詩人歌之列
在風雅我皇唐之反正也時則有若臨淮汾陽秉文

武忠義之資廓清河朔保乂王室翼戴三聖天下之人謂之李郭異代同德今古一時公諱光弼京兆萬年人也曾祖皇左威衛大將軍幽州經略軍副使府君諱令節祖鴻臚卿兼檀州刺史府君諱重英父雲麾將軍左領左羽林二軍大將軍朔方節度副使薊郡開國公贈幽州都督司空諱楷洛皆以英果沉勇累葉將邊愴威稜於幽碣公即薊公之第四子也體渾元之正性秉弘毅之高躅天子純嘏生知禮度謨謀炳邃默識冲深傑出經武之才鬱爲興王之佐故能東征北伐厭難康屯挺草昧不世之功允蒼生具

瞻之望社稷威寶公之謂歟初天后萬歲中大將軍
燕國公武楷固爲國將威震北隅有女曰今韓國
太夫人才淑冠族嘗鑿之曰爾後必生公侯之子因
擇蘇公配焉後果生公公年六歲嘗撫鹿而遊薊公
視而誨之曰兒勿更爾公振手而起遂絕不爲童戲
未冠以將門子工於騎射能讀左氏春秋兼該太史
公班固之學開元中起家左衛左郎將歷豐夏二都
督府長史尋遷別駕加朝散大夫丁父憂以毀聞終
喪不入妻室太夫人高明整肅有慈有威公下色怡
聲承順而每竭其力雖已官達小不如意猶加誨讓

之責故能濟其勲業天寶二年拜寧朔郡太守四載
加左清道率兼安北都護仍充朔方行軍都虞候五
載克王忠嗣河西節度兵馬使加游騎將軍守右領
軍賜紫金魚袋仍充赤水軍使八月襲封薊郡開國
公八載迁右金吾衛將軍充節度副使以破吐蕃及
招討吐谷渾加雲麾將軍左武衛大將軍十一載拜
單于副都護十三載為安思順朔方節度兵馬使思
順慕公信義請為婚姻公辭不獲免遂託疾罷官西
平王哥舒翰聞而躡之奏歸京師遂守道屏居杜絕
人事十四年冬十一月安祿山反范陽天下驛騷朝

廷旰食聿求虢闕之將爰統鷹揚之師明年春正月
起公為銀青光祿大夫鴻臚卿兼雲中郡太守攝御
史中丞持節充河東節度度支營田副大使知節度
事仍充大同軍使二月拜攝御史大夫魏郡太守充
河北道採訪使俄除范陽郡大都督府長史充范陽
節度使初公以朔方馬步八千人出土門其月既望
收常山郡前是太守顏杲卿裒長史袁履謙殺祿山
土門使李欽湊擒其心手高邈何千年屬太原尹王
承業不出救兵杲卿履謙為史思明所陷戰士死者
踰藉於滹池之上公親以衣袂拂去其上沙塵因慟

哭以祭之分遣恤其家屬城中莫不感激一心史思明正圍饒陽馳來拒戰公屢摧陷之詔拜公兼御史大夫俾今尚書令汾陽王郭公子儀悉朔方之衆與公合勢南收趙郡又敗之於沙河夏六月戰于嘉山大敗之斬獲萬計思明露髮跣足奔于博陵窮蹙無計歸節於祿山祿山大恐逆徒幾潰屬潼關不守肅宗理兵于靈武盡追朔方之師加公太原尹公以麾下及景城河間之卒數千人至秋八月拜戶部尚書同中書門下平章事史思明既有河北之地與蔡希德悉衆來攻累月不尅而退公自賊逼城於東南角

張帳次居止竟不省視妻子每過府門未嘗回顧是
後決遣事務信宿方歸至德二年拜司徒冬十二月
十五日肅宗既還京師策勲換司空兼兵部尚書封
鄭國公食實封八百戶公弟光進亦以懋功同制封
拜乾元元年八月拜侍中其年冬十月與九節度圍
安慶緒於相州明年春三月史思明至滏陽屢絕我
糧道衆咸請公簡精銳以擊之交鋒意日思明奔北
于百里之外公反旆而歸煙塵亘天諸將皆以爲賊
軍大至遂南渡黃河公至則無見矣廼歸于太原是
年夏五月除范陽節度使尋代汾陽王爲朔方節度

使秋八月充天下兵馬副元帥以數千騎東巡追兵馬使張用濟會于汜水用濟獨來上謁公數其罪而斬之因追都知兵馬使御史大夫僕固懷恩懷恩中夜馳赴魚貫而前再宿遄至狄毫不敢犯公趣河而東及滑州聞史思明已過河遂迎強旅以至東京移牒留守及官吏等悉皆迴避公獨與麾下趣河陽橋城賊先鋒已下倒愁坂公至石橋命秉燭徐行一夜方達賊望之不敢近思明來至城下請見公已於城上謂之曰我三代無葬地一身必以死國家之患爾為逆虜我為王臣義不兩全我若不死於汝手汝必

死於我手將士聞之無不激勵相持凡八月思明暴
露不敢入東京乾元二年冬十月甲申賊將周贄悉
河北之衆萃于河陽城北思明以河南之衆填于河
南城之南南北夾攻表裏受敵公設竒分銳襲其
虛而大破贄軍臨陣擒其大將徐璜王殺獲畧盡贄
僅以身免收軍資器械不可勝數思明心悸氣索烟
火不舉者三日官軍大振初公以為戰者危事勝負
難必每臨陣嘗貯伏突於靴中義不受辱至是登城
西向拜舞因獻欵不自勝三軍見之無不淚下三年
春正月迁太尉兼中書令其年改元上元冬十一月

攻拔懷州擒其僞節度安太清二年春二月統僕固
懷恩自河陽趨河清與史思明合戰于邙山屬風雨
晦冥王師不利公收合餘卒屯于垣縣遂引過請罪
懇讓太尉肅宗不能違之二月拜開府儀同三司中
書令兼河中尹節度使夏五月十有一日復拜太尉
兼侍中充河南副元帥都知河南淮南淮西山南東
荆南五道節度行營事出鎮臨淮時史朝儀乘邙山
之捷圍逼申安等一十三州自領精騎圍李岑於宋
州公之將吏皆兇懼議南保揚州公謂之曰臨淮城
池卑陋不堪鎮遏不如徑赴彭城俟其東寇躡而追

之賊可擒也遂趨徐州因召田神功宴慰與同寢宿以宋州之難告祖道郊外俾先飲以寵之分麾下隸於其將喬岫仍令兵馬使郝庭玉與岫犄角而擊之賊遂一戰而走使來告捷公已屈指俟報俄而吉語至焉今上登極寶應元年夏五月進封臨淮郡王廣德元年秋七月加實封三百戶通前後凡二千萬賜鐵券名藏大廟仍圖畫於凌煙閣冬十一月上在陝州以公兼東都留守制書未下久待命於徐州將赴東都屬疾痢增劇公知不起使使賫表奉辭廣德二年秋七月五日己亥薨于徐州之官舍初將吏等問

以後事公曰吾久在京中不得就養今爲不孝子矣夫復何言哉因取已封布絹各三千疋錢三千貫鬻麥以分遺將士衆皆感痛不自勝及公云亡遂以其布爲公製服庚申哀問至上都上痛悼之輟朝三日太夫人一慟而絕終夕方蘇上使開府魚朝恩就宅敦喻京兆尹第五琦監護喪事九月己未追贈太保十二月太常議行謚曰武穆夫人薛國夫人太原王氏裊長子太僕卿義忠並先公而逝次曰太府少卿太僕卿象殿中丞彙等皆保家克荷備聞詩禮無忝燕翼過庭之訓冬十一月二十七日庚申泣而咨于

王母虔窆公于富平縣先塋之東禮也於戲公以甫
吉文武之姿兼樊仲將明之德王國多難群胡搆紛
藉朔方偏師之旅入井陘不測之地思明挫銳於恒
定祿山側息絕望於江淮守太原而地道設竒保河
陽而雲梯罔冀破周贄於温汎擒太清於覃懷走史
朝義叛渙之衆於梁宋救僕固瑒已危之軍於瀛莫
皆意出事外虜墜計中天下無贅旒之患此皆公之
力也公兄遵宜遵行仕至將軍裒弟光琰並不幸早
世次日光顏特進鴻臚卿皆有才畧見稱時輩季曰
光進

三太子太保兼御史大夫渭北節度使

涼國公清識表微沉謀絕衆剛亦不吐柔而能立與
公並時仗鉞分閫凌霄翼聖既有戴天之功華原統
帥獨聞禁暴之德方當會同正至榮耀君親入侍黼
惟峨二貂乎秦階之上歸聯綵服頽雙節於高高堂
之下斯歡未遺恨何居昔斛律丞相與弟并州同
務烈於北齊拔行臺與兄荊州亦宣力於西魏咸稱
義烈各懋勲庸而風樹寂寥偏隅隘陬比之我族事
則不侔真卿昔守平原困於兇羯繫公蒞止獲保餘
生束帶興居空想北平之禮操觚論撰敢墜中郎之
辭銘曰羯胡猖狂倣擾皇綱降生臨淮佐我興王維

此臨淮萬夫之望爰初發迹罔或弗臧出入忠孝人
倫激昂其心鐵石其行圭璋天寶末造河朔恇懷天
子命公經營冀方沙河嘉山我伐用張思明歸節祿
山震惶潼關勿帥醜虜其亡肅宗有命大鹵于襄應
變如神兇徒靡亢介珪入觀台座用光俾公東征北
國是皇長圍鄴下望入河陽擒斬渠魁霆擊龍驤淮
濱鎮定徐土翱翔田蠖屈料場鷹揚不有神筭疇戡
暴強弟兄同時秉鉞煌煌方期凱旋雙映旗常晨趨
法座夕慶高堂如何不辰愆此百祥素輶反葬白驥
跼箱簫鼓悲鳴羽儀分行萬乘致祭千官送喪生榮

死哀身歿名揚渭水川上壇山路旁唯餘豐碑突兀
連岡往來必拜萬古沾裳

顏魯公文集卷之四終

用唐良公文選卷之四

唐良公文選卷之四

唐良公文選卷之四

唐良公文選卷之四

唐良公文選卷之四

唐良公文選卷之四

唐良公文選卷之四

唐良公文選卷之四

唐良公文選卷之四

唐良公文選卷之四

唐良公文選卷之四

顏魯公文集

錫山安國刊

卷之五

碑

河南府參軍贈祕書丞郭君神道碑銘

并序

夫騏驥千里之足陪於庭唐之內鴻鵠四海之志
於墜溲之羽此倜儻竒偉之士所爲嘆息者也取之
於人在於郭君矣君諱揆字良宰太原人也郭本號
叔之後春秋裊漢細侯得政事之美有道冠人倫之
目素絲作詠青溪招隱信爲多士宜稱盛族五代祖

相隋驃騎大將軍開府儀同三司高祖澄皇朝朔方
道大總管涇鄜坊慶丹延夏七州刺史贈荊州都督
謚曰忠曾祖 朝散大夫太子洗馬祖義朝議大夫
贈鄭州刺史父虛已銀青光祿大夫守工部尚書兼
御史大夫蜀郡大都督府長史持節充劍南節度度
支營田副大使本道并山南西道採訪處置使上柱
國贈太子太師謚曰獻君生而聰明不爲戲弄之事
長而清峻罔雜綺紈之流辯對則江夏之童志意則
山東之妙大夫府君以其于氏之出故幼名封奴嘉
有應務之器故長字良宰蓋取待封宰割之義也觀

其言必顧行動必由禮讀書不取其糟粕爲仁罕忘
於造次亦足以保其嘉名楚之正則漢之臺卿乃其
比也年十七崇文生明經及弟侍郎韋陟楊言於朝
稱其稽古之力許其青冥之價後調集侍郎李彭年
嗟君所判足冠後生擢才子於公庭賀大夫於私弟
美聲洋溢時莫與京授太常寺太祝加敬蒞事陳信
正辭每巡陵及郊必有歌詠潘河陽籍田之賦顏光
祿明祀之作復見前賢之致矣無何改授河南府參
軍天寶五載大夫總度瀘之師繫君奉循咳之養南
中汚下遂得氣疾先大夫憐其寢劇命訪秦鑿太夫

人懼其不起繼自蜀至何神不禱靡藥不嘗依親自
強望父增歎以天寶八載二月十八日終於安興之
私弟時年二十四皇帝聞而悼之贈祕書丞嗚呼斯
人不起子丕未識亦可爲長慟者矣君子曰夫孝弟
之至絜矩之道文章之絕周旋之儀可謂成人矣方
將培雄風罩白石憐乎得二幾乎弟一是以其疾即
御醫坐門其亡即天使歸贈陳師境上推以雨露之
私修文地下贈以蓬萊之職吊客多其文行操誅盡
於作者以五月二十一日葬于首陽鄉大塋之側君
志也先大夫懿其天姿親疏行狀敘其參玄之美歎

其老成之風方崇南峴之碑以慰西門之感伏滔受
遇爲人父也若斯邗奚至公其知子也如此斯文未
建頽山遂及太夫人東海于氏凌虛墜翼開緘悼心
望汝絕歸來之期抱孫有無時之哭遂成刊刻之意
以寄零落之哀銘曰

粲粲門子菲菲國香家傳玉樹人詠金相風流小褚
才貌潘郎一經自達六義名揚聞于密啓寘此周行
爲子道備從親路長旣銘絕壁亦奉垂堂霧露成病
膏肓遂亡天向京兆墳歸洛陽江堙初流水毀寒霜
茫茫蔓草蕭蕭白楊苦月墳上豐碑道傍披文相質

誰不沾裳

右武衛將軍贈工部尚書上柱國上蔡縣開國

侯臧公神道碑銘

公諱懷恪字貞節東莞人其先出于魯孝公之子彊
字子臧大夫不得祖諸侯其孫以王父字爲氏僖哀
二伯旣納忠於魚鼎文武兩仲亦不朽於言哲文人
成功而遁迹子原抗節而捨生義和辭金飾之器榮
緒奮陽秋之筆賢達繼軌紛綸至今曾祖滿隋驃騎
將軍祖寵皇通議大夫靈州都督府長史父善德朝
散大夫贈銀州刺史咸務遠圖克開厥後恤胤之慶

世祀宜哉公即銀州之第三子也身長六尺一寸眉
目雄朗鬚髯灑秀雅寬善騎射尤工尺牘沉靜少言
仁得衆竒謀冲邈英勇冠倫友于弟兄謹介鄉黨每
敦詩而執禮不苟柔以吐剛蒞事而剖判泉流臨戎
而智畧鋒起古所謂文武不墜高明有融者焉少以
勲勞亟紆戎級開元初嘗遊平盧屬奚室韋大下公
挺身與戰所向摧靡繇是發名玄宗聞而嘉之拜勝
州都督府長史銳精佐理絜矩當官朔漠不空邊隅
用人俄拜左衛率府左郎將轉右領軍中郎將兼安
北都護中受降城使朔方五城都知兵馬使戎事齊

足十萬維羣我伐用張軍威以肅由是深爲節度使
王峻所器奏充都知兵馬使嘗以百五十騎遇突厥
斬啜八部落十萬餘衆於狼頭山殺其數百人引身
據高環馬禦外虜矢如雨公徒且熾遽而給之曰我
爲臧懷恪敕令和汝何得與我拒戰于時僕固懷恩
父設之適在其中獨遮護之諸部落持疑不肯公剖
羊以盟之仗義以責之衆皆感激由此獲免遂與設
之部落二千帳來歸後充河西軍前將盤禾安氏有
馬千駟怙富不虔一族三人立皆毆斃軍州悚慄疇
敢不祗仰爲節度相國蕭嵩所賞後充河源軍使兼

隴右節度副大使關西兵馬使拜右武衛將軍吐蕃
不敢東向者累年俄封上蔡縣開國侯開元十二年
歲次甲子春二月二十有六日薨于鄴城之官舍享
年五十有六其年八月二十三日詔曰故具官某頃
以幹能亟承任使操行逾謹勞效未酬不幸遷殂良
增追悼可贈右領軍衛大將軍即以其年冬十月庚
戌遷窆于京兆府三原縣北原禮也嗚呼公兄左羽
林軍大將軍平盧副持節懷亮以方虎之才膺爪牙
之任孔懷斯切致美則深七子游擊將軍崇仁府折
衝希崇豐州別駕贈宋州刺史希昶左武衛將軍朔

方節度副使贈太子賓客希忱右衛左郎將劍南討
擊副使贈汝州刺史希愔右驍衛郎將靜邊軍使贈
祕書監希景寧州刺史左金吾衛將軍贈揚州大都
督希晏開府儀同三司行太子詹事兼御史大夫邠
寧山南觀察使集賢待制工部尚書渭北節度使魯
國公希讓等夙漸詩禮恭承教義芬潤挺蘭玉之姿
英威齶虢瀾之質而希讓識度弘遠器謀沉邃仁親
以孝殿國以忠綽裕冠於人倫勲勞懋於王室至德
中今上爲元帥東伐肇允押牙從收兩京陟降左右
入侍帷幄旣崇翼戴之功出擁麾幢載叶澄清之寄

加以篤睦羣從糾綏宗族吉凶贍恤終始無渝行道
之人孰不嗟尚肅宗以公有謀翼之勤乾元三年春
三月贈魏州刺史寶應元年冬十月又贈太常卿廣
德元年冬十月詔曰孝以立身可揚名於後世忠能
事主故追榮而及親開府儀同三司兼御史大夫元
帥都虞侯魯國公臧希讓亡父贈太常卿懷恪業茂
勲賢地華簪綬佩忠信而行已包禮樂以資身守節
安卑幽貞自處養蒙全正聲利不營雖與善無徵促
齡悲於逝晷而積善垂裕餘慶光於後昆故得業濟
艱難功叅締構出有藩條之寄入多爪牙之任位以

德遷禮宜加等父由子貴贈合超倫宜登八座之榮
式慰九原之路又贈工部尚書褒異之典於斯爲盛
臧氏自驃騎而下世以材雄朔陲尚書旣還特以功
懋當代兄弟子姓勲賢間出自太寶距于開元乘朱
輪而拖珪組者數百人迨于今茲繁衍彌熾縮軍州
而握兵要者相望國都有後之慶固殊異於他族者
矣真卿早歲與公兄子謙爲田蘇之游敦伯仲之契
晚從大夫之後每接嘗寮之歡故公之世家竊備見
聞敢述遺烈將無媿辭銘曰

魯史褒者臧孫有之陳魚則諫納鼎以規歿貴言立

時稱聖爲仁昭典墳智叶耆龜世濟忠肅光光羽儀
以至夫公英明雄毅鶚視騰彩龍驤作氣鋒淬霜稜
妙窮金匱謀猷泉寫翰墨風駛儒勇是兼勲庸以位
介馳戎馬猛奮虓虎絕漠援孤連兵戰苦萬虜鳴鏑
紛紛如雨一身抗詞諤諤連柱精貫雲日氣雄征鼓
狄人義激僕固誠全眇漫窮裔隨降幾千野靜沙雪
風恬塞煙我騎如雲我旗連天牧無南向凱有北旋
天子休之命侯開國謂福而壽康衢騁力奚今之遘
幽扃是即十城玉折萬里鵬息陣雲蒼蒼日暮無色
令人趨奉天眷孔明九原不作八座哀榮勇列徽範

芳時懿名里成冠蓋族茂簪纓萬古千祀瞻言涕零

東莞臧氏紉宗碑銘

并序

德有三孝弟稱其至常有五仁道原其終故興化所

則曰侯其在矣死喪相恤疇能

莫

鵲鴿於

焉譬急難常棣所以勗趺萼紉宗綏族所貴因誰

其庶乎吾見之於臧氏矣

伯禽國魯公子氏

驅魚賂太諫於僖哀言聖兩垂於文武朗陵會吳而

滅蜀東郡感張而絕袁建義而辭噐歸高奮筆而陽

秋與直賢明之盛今古莫崇積慶所鍾克生隋驃騎

將軍府君諱滿滿生皇朝通議大夫靈州都督府長

史府君諱寵寵生銀青光祿大夫銀州刺史贈太子少師諱善德咸懷忠良克績徽烈古稱有後今見其然少師生三子曰右武衛將軍贈幽州大都督

懷慶冠軍左羽林大將軍兼營府都督御史中丞充平盧節度採訪兩蕃使懷亮河源軍使安北都護右領軍將軍上柱國上蔡縣開國侯累贈太常卿魏州刺史工部尚書懷恪皆行

才兼文武並

時迭將爲國虎臣朔漠之間峻風斯在其功庸志業各具三原縣先塋神道碑懷慶五子曰左金吾中郎將范陽節度經略副使希古右威衛將軍中受降城

使希真殿中監朔方經略副使希賓原州長史監牧
副使希咄銀青北平太守仍充軍使希逸懷亮五子
曰勝州都督朔方節度副使敬廉金紫文安太守范
陽節度副使希莊左清道率幽州經略副使敬之太
常卿特進武州刺史今上元師都知兵馬使讓左監
門將軍敬此懷恪七子曰右衛中郎將贈州刺史
希崇豐州別駕贈宋州刺史希昶左驍衛中郎將贈
太子賓客希忱忠武將軍贈汝州刺史希愔壯武將
軍左威衛中郎將贈祕書監希景雲麾麟寧三州刺
史左金吾將軍左街使贈揚州大都督希晏魯國公

希讓並稟訓義方丕崇閎閱遭逢明盛備展材良能
挺虢襪之姿

舉蘊韜鈴之略檢縱攸資糝蘭

玉而輝映階庭畫隼熊而光聯旗軼動庸之盛當

源長流深德盛祀遠開元天寶間宗族之紆

青紫佐麾幢者已數十百人迨乎今上當宁而諸孫

冠軍左羽林將軍贈太子詹事彥英忠武左清道率

瑗左清道率則少府監彥佺金紫太僕卿涉特進殿

中監玠左金吾大將軍彥璟正議湖州長史隨並不

幸早世銀青棣州刺史瑜特進殿中監慈州刺史瑀

特進鴻臚卿均特進太常卿彥昭開府太常卿彥嵩

正議杭州別駕巽銀青鴻臚少卿渙鴻臚卿願朝散
明州長史叔獻少府監楚卿朝散台州司馬晉卿朝
散洋州司馬叔雅符寶郎齊卿涇陽縣雲卿左金
吾衛長卿千干叔卿京兆府參軍叔清

容州都督兼御史中丞本管經略使元君表

墓碑銘

嗚呼可惜哉元君君諱結字次山皇家忠烈義激文
武之直清臣也蓋後魏昭成皇帝孫曰常山王遵之
十二代孫自遵七葉王公相繼著在惇史高祖善棹
皇朝尚書都官郎中常山郡公曾祖仁基朝請大夫

裴信今襲常山公祖利貞

唐書作名亨字利貞

霍王府參軍隨

鎮改襄州父延祖清淨恬儉歷魏城主簿延唐丞思

閑輒自引去以魯縣商餘山多靈藥遂家焉及終門

人謚曰太先生寶應元年追贈左贊善大夫君聰悟

宏達個儻而不羈十七始知書乃受學于宗兄德秀

常著說楚賦三篇中行子蘇源明駭之曰子居今而

作真淳之語難哉然世自澆浮何傷元子天寶十二

載舉進士作文編禮部侍郎陽浚曰一弟汙元子耳

有司得元子是賴遂登高弟及羯胡首亂逃難于猗

玕洞因招集鄰里二百餘家奔襄陽玄宗異而徵之

金史卷之三十三
三
侄君移居讓溪乃寢乾元二年李光弼拒史思明於河陽肅宗欲幸河東聞君有謀略虛懷召問君悉陳兵勢獻時議二篇上大悅曰卿果破朕憂遂停乃拜君右金吾兵曹攝監察御史充山南東道節度叅謀仍於唐鄧汝蔡等州拓輯義軍山棚高晁等率五千餘人一時歸附大墜賊境於是思明挫銳不敢南侵前是泌南戰士積骨者君悉收瘞刻石立表命之曰哀丘將吏感焉無不勇勵璽書頻降威望日隆時張瑾殺史翺於襄州遣使請罪君為聞奏特蒙嘉納乃真拜君監察仍授部將張遠田瀛等十數人將軍

屬荆南有專殺者呂誣爲節度使誣辭以無兵上曰
元結有兵在泌陽乃拜君水部員外郎兼殿中侍御
史充誣節度判官君起家十月超拜至此時論榮之
屬道士申泰芝誣湖南防禦使龐承鼎謀反并判官
吳子宜等皆被決殺推官嚴郢坐流俾君按覆君建
明承鼎獲免者百餘家及誣卒淮西節度使王仲鼎
爲賊所擒裴茂與來瑱交惡遠近危懼莫敢
知節度觀察使事經八月境內晏然今上登極節度
使留後者例加封邑君遜讓不授遂歸養親特蒙褒
獎乃拜著作郎遂家于武昌之樊口著自釋以見意

其畧曰少習靜于商餘山著元子十卷兵起逃難于
猗玕洞著猗玕子三篇將家灑濱乃自稱浪士著浪
說七篇及爲郎時人以浪者亦漫爲官乎遂見呼爲
漫郎著漫記七篇及家樊上漁者戲謂之顰叟歲餘
上以君居貧起家爲道州刺史州爲西原賊所陷人
十無一戶纔滿千君下車行古人之政二年間歸者
萬餘家賊亦懷不敢來犯旣受代百姓詣闕請立生
祠仍乞再留觀察使奏課第一轉容府都督兼侍御
史本管經略使仍請禮部侍郎張謂作甘棠以美之
容府自艱虞以來所管皆固拒山谷君單軍入洞親

自撫諭六旬而收復八州丁陳郡太夫人憂百姓詣
使請留大曆四年夏四月拜左金吾衛將軍兼御史
中丞管使如故君矢死陳乞者再三優詔褒許七年
正月朝京師上深禮重方加位秩不幸遇疾中使臨
問者相望夏四月庚午薨于永崇坊之旅館春秋五
十朝野震悼焉二子以明能世其業名雖著而官未
立以其年冬十一月壬寅虔葬君子魯山青嶺泉陂
原禮也嗚呼君其心古其行古其言古躬是三者而
身重於今雖擁旌麾幢總戎於五嶺之下彌綸秉憲
越於九天之上不爲不遇然以君之才之德之美竟

不得專政方面登翼太階而感激不爲之太息也君
雅好山水聞有勝絕未嘗不在路登覽而銘贊之感
中行見知之恩及亡至今分宅以恤其子其不偷也
多此類中書舍人楊炎常袞皆作碑誌以抒君之志
業故吏大曆令劉袞江華令瞿令問故將張滿趙溫
張協王進等感念舊恩送哭以終喪竭資鬻石願垂
美以述誠真卿不敏常忝次山風義之末尚存盡往
敢廢無媿之辭銘曰

次山斌斌王之蓋臣義烈剛勁忠和儉勤炳文華國
孔武寧屯率性方直秉心真純見危不撓臨難遺身

允全德今之古人柰何清賢素志莫申羣士立表
垂聲不泯

顏魯公文集卷之五

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

公父

蘇平知

顏魯公文集

錫山安國刊

卷之六

碑

特進行左金吾衛大將軍上柱國清河郡開
國公贈開府儀同三司兼夏州都督康公神
道碑

竭誠奉主之謂忠率義忘躬之謂勇忠勇不犯則名
登于明堂子仕教忠之謂慈戰陣能勇之謂孝孝慈
有裕則道存乎方冊兼此四者其惟清河公之族乎

公諱阿義屈達于姓康氏柳城人其先世爲北蕃十
二姓之貴種曾祖頡利部落都督祖染可汗駙馬都
知兵馬使父頡利發墨啜可汗衛衙官知部落都督
皆有功烈稱於北陞公即衙官之子也正直忠鯁以
信行聞爲國人所敬長於謀略工騎射其弓十鈞二
十三爲阿史那頡佚施默啜等九可汗宰相秉心顯
一立言無二不吐剛以茹柔必蹈道而履義可汗每
有過失未曾不極言切諫蕃中重焉以比國家之
丞相宋璟初默啜弟拔悉密時勤嘗擊藥秭可汗公
竊而藏之密持示默啜默啜大怒將誅之公以爲請

但令歸于部落默啜知公至忠繇是益加親信同列
四人莫與公比其後公以孤直屢見疑譖遂請退歸
可汗察公非罪尋復追為宰相先是毗伽可汗小殺
為其大臣梅錄啜所毒小殺覺之盡滅其黨既卒國
人立其子伊然可汗無何病卒又立其弟登利可汗
華言登利猶可報也其母暉欲谷之女與其小臣飢
斯達于預國政登利從叔父因左殺右殺東西分掌
其兵馬登利與其母誘斬西殺盡并其衆左殺懼及
乃攻殺登利自立為烏蘇米施可汗拔悉密擊敗之
脫身遁走國中大亂天寶元年公與四男及西殺妻

子默啜之孫勃德支持勒毗伽可汗女大洛公主伊
然可汗小妻余塞匱登利可汗女余燭公主及阿布
思阿史德等部落五千餘帳并駝馬羊牛二十餘萬
款塞歸朝朔方節度使王斛斯具以上聞秋八月至
京師玄宗俾先謁太廟仍於殿庭引見御花萼樓以
宴之仍賦詩用紀其事拜公左威衛中郎將屬范陽
節度使安祿山潛懷異圖庶爲已用密奏公充部落
都督仍爲其先鋒使公旣不得已僂俛從之四載以
破契丹功遷右威衛將軍俄拜范陽經略副使五載
又破契丹功居多拜左武衛大將軍仍充節度副使

玄宗嘉之。璽書慰勉，盈溢篋笥。十四載冬十一月九日甲子，安祿山反。范陽公以天子有命，陷身兇逆。舉家見質，自拔莫由。既至東歸，公泣血籲天。次於寤寐，欲與諸子逃歸國家。爲賊荊州刺史康節所告，遂被收繫。廉奏被誅者二十餘人，公之四子各奔于外。賊恐衆情不安，貫之。而後出。至德二年，闔門二百餘口被安慶緒脅至安陽屬。今上爲天下兵馬元帥，統今尚書。今汾陽王郭子儀朔方之師，諸節度迴統之衆。東收二京，公率四子及孫姪等十餘人，冒死南奔。至汲郡，爲從者所告，家人殲焉。二子沒野波，英俊挺身。

行前二子屈須彌施英正持滿殿後沒野波妻阿史
那氏爲公控馬登于西山至高平界遇賊蔡希德以
精騎三百遮路邀擊沒野波英俊馬奔之殺餘四十
先人生擒四人冬十有一月七日投今上行營至焉
帝聞而嘉之欲以開府儀同三司處公仍加實封公
固辭乃受因以爲金吾衛大將軍加特進增封清河
郡開國公食邑三百戶策勳

衛大將軍

卿

射

開府

儀同三司太常卿殿前衙前射生兵馬俄加上柱國
姑臧縣開國子沒野波雲麾將軍左金吾衛大將軍

上柱國射生散騎常侍驃騎大將軍左武衛大將軍
兼鴻臚上上柱國殿前射生使清河郡開國公英俊
等官秩各有差因留公及屈須彌施英王供奉射生
以沒野波英俊勇冠三軍並令東隨故太尉李光弼
于太原後鄴郡瓦窯陣官軍與安慶緒相逼王思禮
爲其所敗賊勢旣盛太尉與思禮相顧氣索沒野波
英俊勃然奮怒遂直抵薄河當鋒擊之殺獲二千餘
人賊衆方退太尉諸公覩而駭之賞雜綵百尺並以
轉分麾下無所納三軍欽羨焉沒野波居常謙謹
臨事勇銳戰則先鋒前無強敵捉生遊奕所向必摧

九節度之圍安陽也。史思明悉衆來救，沒野波以十五騎過河逆擊之，并馬刺倒者數人，生擒數十人。後擊懷州，思明又自來救，芻爽之際，侵軼柴籬，沒野波領甲騎三十，禦之賊軍王子人，一時摧敗，真卿之棄平原也，沒野波爲賊騎將，緩策不追，及聞渡河，然始奔躡，是以得脫於難。平原人至今稱之。英俊瞪視，耽耽姿氣，雄果發勁，矢持大槍，疑然萬衆之中，左右馳突，無不辟易而退。嘗隨太尉討思明于河陽，賊驍騎萬餘於中，闐城索鬪，將莫敢應者。英俊挺身奔擊之，應槍落者二十餘人，英俊被槍刺頰，貫喉而出，擺首。

而去之猶殺二人而還太尉壯焉遂以從父兄妻子
之故天下之言勇者以汝野波英俊兄弟爲稱首廣
德元年上幸陝州公之諸子皆當扈從公以體貌壞
碩難於舉動方與之死訣汝野波妻爲公介馬扶奔
華州公慮不免謂左右曰我若爲賊所得無累我兒
子乎汝曹何不殺我衆人感懼叫然皆哭遂竭力昇
公至于行在上深嗟賞之方極尊榮以終宴喜上天
不惠以二年青龍甲辰冬十有一月二十日甲寅感
肺疾薨于上都勝業坊之私第春秋七十有五親事
左右莫不顰面截耳以哭初凌霄之難公實援立漣

水之屯公親總統上之反正父子從焉帝疇厥功遂
有開府儀同三司兼夏州都督之贈夫人清河郡太
夫人交河石氏左衛中郎將珍之孫左金吾衛大將
軍三奴之女温敏淑慎柔明端雅有女師母儀之德
克懋於家不幸遘疾以天寶十五載春三月八日先
公而薨永泰元年春二月十日壬申與公公合祔千萬
年縣之長樂原禮也嗚呼公以沉果之姿抗英威之
志降精昴宿炳粹天街忠肅表於生知義勇形于造
次屬國家多難淪胥以痛壯一心而來事我君貫四
時不改柯易葉義方懇到相携於契闊之中臣節激

昂三見於危亡之際天子感焉旣受腹心之託禁旅
資焉俱列爪牙之地勲庸克茂聲問攸歸叢綵衣於
玉帳之前羅五戟於一門之內不其盛矣昔蕭相國
舉宗佐命金日磾七葉珥貂望古儔今可謂同德其
孤等
窮孺慕靡所寘哀聿求不腆之饌庶播無疆
之美銘曰

北方之強歟十有二姓強哉矯部落之雄者康執兵
柄緬乎眇特進誕生兮實登邦政德不擾暎女滅國
兮烏蘇不竟愠羣小三濱九死兮舉族致命丹心暎
一門萬石兮彰厥誠敬皇恩瞭生爲忠臣兮後有餘

慶其不夭家有孝子兮嚴親翊聖王之辰乃立豐碑
兮百代遺詠鴻名表忠孝之際兮於斯為盛遠圖宵
金紫光祿大夫守太子太傅兼宗正卿贈司
空上柱國隴西郡開國公李公神道碑

昔周武以二公股肱王室然而允釐西土師保萬人
者其惟召公平漢室以二傳羽翼儲宮然而亮采東
朝儀刑百辟者其惟蕭傅乎則九德之師六行之傳
親賢既美亦何代無其人哉隴西公才為國之垣翰
位為天之喉舌德為朝之元老行為帝之信臣蓋所
謂宗室之間生士林之傑出者也公諱齊物字道用

隴西成紀人自若水導其靈源而聖人作高丘峻其
曾構而才子生玄元為宋帝之先興聖有勤王之舉
盛德彌於百祀靈根固於千葉太祖景皇帝功高佐
魏慶始封唐家崇八柱之勲地半三分之業亦猶殷
人之祖契周室之宗文公即景皇帝之五代孫也鄭
王亮之玄孫淮安王神通之曾孫淮安王皇朝開府
儀同三司尚書左僕射贈司空盤石開府介圭錫瑞
尚周之晉鄭西漢之間平祖孝銳鹽州刺史父璟隴
州司倉贈弘農太守並清白貽範仁賢繼軌連華公
族濟美專城公稟乾剛之正性體坤順之中德爰自

岐嶷特鍾美秀儼然王公之量鬱有台鼎之姿固已
超等夷而出羣萃矣神龍初起家左右千牛備身歷
尚輦直長許州司馬華州司兵時方振拔勢已飛騰
此則江漢之濫觴嵩華之覆篲也丁太夫人憂公有
至性毀瘠過禮扶杖于家哭不絕聲者累月倚廬于
墓衣不解帶者終喪天子特降璽書就廬慰勉非常
之澤近古未聞服闋授鴻臚丞除尚輦奉御遷北都
軍器監事太原爲一都之雄鎮軍器掌五庫之禁兵
故乾沒之賊一徵百萬繕完之利費省巨億少尹嚴
挺之連奏課最擢拜長安令陸海殷湊五方浩劇公

以威禁暴以恕用刑邑里之人陶然大化遷將作少
匠殿中少監太府少卿懷陝二州刺史雖漢之宗室
不典三河而周之懿親先分二陝惟良之寄實在於
公嘗以黃河經砥柱之艱有覆州之患遂奏疏九派
鑿三門屬役而堅冰大合興功而烈火潛熾不愆于
素若有神焉人皆以公至誠之所感也又於石獲古
銘曰平陸遂以名縣焉玄宗異之賜貂裘一領絹三
百疋特加銀青光祿大夫鴻臚卿并公之先隴州府
君專城之贈上嘗賜公玉尺一詔曰謂之尺度可以
裁成卿實多能故爲此賜識者知公必將金玉王度

代天之工豈唯從容九列而已拜河南尹仍水陸運使屬左相李公適之尚書裴公寬京兆尹韓公朝宗與公爲飛語所中公遂貶竟陵郡太守時陸羽鴻漸隨師郡中說公下車召人吏口之曰官吏有簞簋不脩者僧道有戒律不精者百姓有泛駕蹶弛者未至之前一無所問而今而後義不相容數年間一境不變熙然若羲皇之代矣哀孤重老有隱逸奴道者常騎馬於里巷之中親自恤問量移安康即日上道老幼遮擁不得發者三辰轉漢陽蘄春其政如一公虛中自牧接下愈恭與物盡推誠之心正身無氣燄之

忌每上春行令大戶閱農輕裹糶糧重煩縣道化流
江漢如時雨焉故郡歷數四課事第一去思之感人
到于今稱之天寶末徵拜將作監重授鴻臚卿縱壑
巨鱗還游舊浦凌風勁翮俄返故林時國忠包藏於
內下關

中散大夫京兆尹漢陽郡太守贈太子少保
鮮于公神道碑銘

公諱向字仲通以字行漁陽人也其先出于殷太師
周武王封于朝鮮子仲食邑於于因而受氏漢有京
兆尹褒褒十二世孫康後魏秦州刺史直閣將軍武

威郡公忠於本朝爲齊神武所害康玄孫匡贊隋冠
氏長義寧初通議大夫匡贊生士簡士迪並早孤爲
叔父隆州刺史匡紹所育因家于新政士簡士迪皆
魁岸英偉以財雄巴蜀招徠賓客名動當時郡中憚
之呼爲北虜士簡生令徵公之父也倜儻豪傑多竒
畫嘗傾萬金之產周濟天下士大夫與妻兄著作郎
廣漢嚴從泉殿中侍御史何千里俱以氣槩相高不
肯仕官竟以壽終天寶九年贈遂寧郡太守廣德元
年又贈太常卿公少好俠以鷹犬射獵自娛輕財尚
氣果於然諾年二十餘尚未知書太常切責之縣南

有離堆山斗入嘉陵江形勝峻絕公乃慷慨發憤屏
棄人事鑿石構室以居焉勵精爲學至以鍼鉤其臉
使不得睡讀書好觀大畧頗工文而不好爲之開元
二十年年近四十舉鄉貢進士高第二十六載調補
益州新都尉視事二十日謝病去二十七年長史張
宥奏充劍南採訪支使宥方謀拔安戎獨與公計畫
幕中之事一以咨公司馬章仇兼瓊惡之及代宥節
度乃移郡收公月餘仍釋之俄令攝判使事監越巂
兵馬復奏克採訪支使盡護叩南軍事首尾二載冒
暑渡瀘者凡一十八度公秉操堅伎吏人望而畏之

改授新繁尉充山南西道採訪支使頃之雲南蠻動
瓊請公往以便宜從事公戮其尤害者數人蠻夏懼
服山南盜賊舊多光火公察其名居悉傾巢穴人到
于今賴焉俄拜左衛兵曹例遷也瓊以兩道採訪節
度使務悉以委公無何攝監察御史充劍南山南兩
道山澤使遷大理評事充西山督察使五載戶部侍
郎兼御史大夫郭公虛已代瓊節制郭以庶務一皆
仗公公素懷感激竭誠受委故幕府之事無遺諍焉
六載拜監察御史公誅羌豪董哥羅等數十人以靖
八州之地郭公將圖弱水西之八國奏公入覲玄宗

駭異之即日拜尚書屯田員外郎兼侍御史蜀郡司馬劍南行軍司馬既略三河收其八國長驅至故洪州與哥舒翰隴右官軍相遇於橫嶺鳴鼓而還及郭公云亡慟哭之曰公亡矣吾無爲爲善乎初郭公對馭天休每薦公有文武之材堪方面之寄至是遂拜公爲蜀郡大都督府長史兼御史中丞持節充劍南節度副大使公當大任既竭丹誠射討吐蕃摩彌城拔之改洪州爲保寧都護府塹弱水爲蕃漢之界收戶數十萬闢土千餘里屬恩敕命召祗赴京師至臨臯驛上令中貴人勞問賜甲第一區又錫名馬兼供

御饌俄拜司農卿將不遠而復十一載拜京兆尹公
威名素重處理剛嚴公初善執事者後爲所忌十二
載遂貶邵陽郡司馬灌園築室以山泉琴酒自娛賦
詩百餘篇俄移漢陽郡太守下車閉閣唯讀玄經以
自適不幸感疾以十三載閏十有一月十有五日終
于官舍春秋六十有二十五載春正月歸葬于新政
縣嘉陵江之西岸先塋寶應元年追贈衛尉卿廣德
元年又贈太子少保公凡著坤樞十卷文集十卷並
爲好事者所傳於戲公負不羈之才懷當世之志方
及知命始擢一第從宦十年超登四岳拔身巴江之

下自致青雲之上非夫珪璋特達聖賢相遭則何以
凌厲沈浮若斯之速旣而吉凶糾纏慶吊相隨天睽
排於賊臣雄圖屈於促景有足悲矣有子六人仲曰
贈左金吾衛郎將昊隨公陷于西二河力戰而歿季
曰前鄉貢明經晁神清才秀先公而卒伯曰壁州刺
史昱克篤孝行見稱衣冠公之捐館也萬里迎喪沂
湍而輓塚拔筴段子章之稱亂也闔門逃賊安親而
晨夕板輿叔曰萬州刺史炅雅有父風頗精吏道肅
宗之幸鳳翔也竭誠幕府以佐公家今上之命庶僚
也由華原之政驟登省闈作牧萬州政績尤異有詔

遷祕書少監尋又改牧巴州幼曰青城尉晏雅曰成都府參軍景皆保家之主亦著令聞公弟晉字叔明篤厚溫敏少以任俠聞事公以悌稱與朋以信著好讀書而不爲章句精吏道而尤擅循良再爲法官三秉天憲二登郎署一宰洛陽從其兄之討南蠻也兩軍交戰仗忠信而必使其間佐寧國之如迴紇也絕域奉辭布皇明而皆得要領肅宗褒異擢拜商州刺史無何超遷京逃尹不十年而兄弟相代論者偉之永泰二年秋八月有詔自太子左庶子復拜爲邛州刺史兼御史中丞邛南八州都防禦觀察等使真卿

與公同在御史亡兄國子司業允南弟今江陵少尹
允臧又與少尹同時臺省既接通家之歡載敦世親
之好以爲徂謝永久所存者徽猷陵谷雖遷不朽者
金石銘功篆美敢墜所聞其詞曰

洪範垂体系殷封周鮮于身繇派漁陽兮世掌漢曆
子孫舄奕代有不績裊定襄兮冠氏促齡二孫夙丁
隨官不寧肇定疆兮嘉陵森森雲臺矯矯降生京兆
爲龍光兮有武有文剛嚴不羣克懋鴻勳制惟梁兮
旣靖巴蜀旣清輦轂日聞啓沃播周行兮結友不終
孤我深衷如彼飛蟲反予牋兮邵陽典午漢陽紆組

孰云心苦坦行藏兮天不勅遺哲人其萎反葬江湄
咥其傷兮此今有裕教忠有素天介景祚熾而昌兮
三世尹京二子專城一門載榮餘慶彰兮豐碑巍巍
盛業暉暉舉世是希與天長兮

顏魯公文集卷之六